

條例備考

吏部

卷之二

漢書門類		九二四六	函號
一〇	二	二	架
二	四	冊	



內閣文庫		漢書類
九二四六	函號	
二	架	
二	冊	

內閣文庫		
番號	漢	9246
冊數	24	(5)
函號	296	80

共二十四



條例備考目錄卷之二

吏部

考察未久或去考察不遠劾本免覆 一

申明旌異

戒内外官員趨媚 三

風聞不職官員 四

奏留應朝官員 五


六年考察表史等官 六
重縣令教職之選 七

嚴守令之考察 八
優禮忠節 九

慎選守令彌盜 十
省令違犯土舍出官 十一

赴任違限 十二
賢官聞劾擅回 十三

大祀執事官員 十四
吏役頂頭 十五



州縣正官不許別差六給由官積穀不如數七

新建伯詆毀先儒十八舉用人材十九

分別勲戚襲封二十精選任二十一

重遷轉二十二嚴旌舉二十三

隆體貌二十四明職務二十五

補廕恩例二十六申明舉劾二十七

三途用人二十八丁憂官吏經由吏部二十九

巡按濫舉連坐三十更調繁簡正官三十一

南京都察院吏冊三十二方面官患病擅回三十三

來朝官考滿過期三十四

條例備考卷之二

吏部

考察未久或去考察不遠劾本免覆一

一正德十六年正月內吏部題該巡按陝西監察

御史陳軾題為遵憲典公激揚以勸懲庶官事

題稱撫治商洛右叅議蘇乾分巡隴右道僉事

李節義曠職不謹乞要罷黜等因題奉

武宗皇帝聖旨吏部知道欽此本部查得正德十五

年朝

覲考察之後又該科道官拾遺天下官員黜退已

多今御史陳軾又劾蘇乾李節義要行罷黜但查蘇乾見談兵部參奏本官被賊攻圍地方罷軟無為難再存留李節義歷任年淺合無將蘇乾冠帶閑住李節義送部別用覆奉

欽依通行各處撫按官但在外諸司官員果有貪酷害人顯跡敗露者依律勾問參奏若風聞不謹或才力不及等項開註賢否送部候朝
觀之年參酌定奪以後考察未久或去考察不遠巡撫等官劾奏在外官員查無實跡本部不必一一覆奏俱案候考察之年會考定奪

申明旌異二

一正德十六年三月內吏部題為申明旌異事例事查得正統十四年欽奉

詔旨有司官政有顯跡超出群類者方許指實舉薦以憑拔擢先給與談得 誥勅旌異欽此欽遵此旌異之始也後因將年淺官員一槩旌異以致人多改節不克有終節次奏

准三年考滿之後方許旌異及已旌異過官員後犯貪酷等項罷調者通行參奏連坐舉主但近年以來前例人多不知有到任未及一年而輒旌

異者有旌異未久而被劾罷黜者又有一人而旌劾並行者及旌過官員三年考滿赴京告行覆勘回奏所開事跡多係常事別無卓異政績超出群類者合無申明前例通行巡撫巡按布按二司官今後司府州縣官務要歷任三年之上不分已未給由但有廉能幹濟超出群類政有顯跡者其實遵照正統十四年六月內欽奉詔書事例明白舉行本部再加訪察及通查節年各上司官開報考語相同奏請不次拔擢先與該得

誥勅旌異若所報事跡與本部訪查不同及查節年各上司開報考語賢否不一不准旌異案候照常陞用若未及三年違例旌舉或一人旌舉一人奏劾或旌異未久隨犯貪酷等項罷調本部仍咨都察院將未及三年違例奏舉者行令仍候三年訪察旌舉其一人被舉又被劾者行接管巡按御史從公訪察舉劾而定擬何者爲得何者爲失明白回奏本院再加訪察相同覆奏行本部查照以憑黜陟其原舉劾不同官員或出風聞或有別故亦從本院徑自查訪定奪其

旌異過官員原先任內犯有貪酷等項情罪旌異後事發罷調及旌異後陞任未久犯罪問革亦聽本院訪察原旌異舉主果有徇私受囑情由叅奏究問其未訪旌異官員雖無卓異政績中間亦有賢否不同合無照舊覆奉

欽依巡按御史一年滿日并巡撫都御史每年終及

布按二司亦遇進表官赴京各開具賢否揭

帖送部查照黜陟

戒內外官員趨媚

一正德十六年十月內吏部題該給事中劉世揚

題為明大禁以振頹風戒私交以勤庶務事

稱近年以來時俗不古剛介自立者多有不突

逢迎巧計者每得保位乞

勅在京各衙門官員各恭爾事但有與中官近人戚

曉權門納交通好者許言官指實論劾即加斥

逐及稱在外有司小心曲謹鮮在為民周悉多

方惟圖寡過精力疲於奔命公事奪於私情乞

要通行禁約等因本部覆奉

欽依通行各該衙門曉諭大小官員各務勤修職業

痛革弊風其在外官員行各巡按御史一體禁

約不許仍襲前弊如有越禮往來違法迎送心
啻利已迹涉背公者在內聽科道官在外從撫
按等官指名論劾

風聞不職官員四

一嘉靖元年二月內吏部題為議處考察以一法
守以全人材事查得正德八年二月內該本部
尚書楊 等題稱本部掌天下官員之考課伏
覲諸司職掌內外官員九年任滿通考稱否方
定黜陟其外官三年一次朝 覲考察據賢否
以為去留乃累

朝舊例及檢照

大明會典自永樂以來雖有不因朝 覲而考察外
官之例然其時皆有變故災異或出

朝廷之特命或因臣下之建言間一行之初非定
制正德三年逆瑾專權亂政始立不時考察名
色瑾敗之後已經查革改正查得

憲綱內一款監察御史巡歷去處但知有司等官姦
貪廢事蠹政害民者即便拿問應請 旨者其實
奏

聞又一款風憲官所至之處博采諸司官吏行止汗

濫奸佞者戒飭之糾劾之欽此及查得正德六年
六月該給事中黃萱題為補遺策以祛群盜以
安天下事本部覆題奉

聖旨是各該有賊地方布按二司并知府等官有才
畧出衆及庸懦無為的撫按官指實具奏你部裏
斟酌處置欽此竊詳 欽依官員有貪酷奸污實
跡顯著者方在舉劾之例其庸懦無為許令具
奏乃專為有賊地方而設斟酌處置量材更調
以濟時艱非謂不分等第不論地方槩之通例
也合無申明舊例行移各該撫按官知會今後

天下有司官員除貪酷顯著日見其為民害者
許照舊劾奏外其餘風聞及罷軟才力不及等
項不職官員不必一一糾劾俱要明白開具揭
帖密封送部以待朝 覲之年考察黜調其前
次被劾存留及案候考察定奪者亦不許其於
自棄遂為下流果能振奮自新亦在陟明之例
題奉

聖旨你部裏說的是人材難得今後天下有司官員
有貪酷顯著的着各該撫按官照舊劾奏其餘不
職的不必一一舉劾只着明白開具考語送部以

待考察黜調前次被劾存留及案候定奪的不許
其於自棄着振奮自新一體擢用還申明與他每
知道欽此

奏留應朝官員五

一嘉靖元年十月內吏部題該巡撫湖廣都御史
張巡按湖廣御史何會本題為乞留正官撫
安地方事議照朝覲大典三年一次舉行凡
為臣子理宜趨赴但長衡永寶等府地方災傷
重大府州縣掌印正官乞要姑留免朝撫恤地
方等因本部覆奏

欽依移咨都察院轉行撫按官照依原擬施行

六年考察長史等官六

一嘉靖元年十月內吏部題該都察院左都御史
金題為陳愚見以裨庶政事內開一處置
王府輔導等官查得南京文職五六品以下六年
一次考察乞勅吏部此照前例自嘉靖元年
為始將長史以下着落撫按衙門公同考察賢
能者仍令供職老疾貪淫不謹等項應該黜退
者照例施行其守正不阿輔導有方六年以上
聲譽素著者明白開報或

賜與服色或量加俸給以示旌獎仍疏名開坐通行
奏

請定奪其承奉以下內官把持 宗藩勒指婚姻貪

刻顯著壞事有名者亦北照 詔書事例許各

撫按官劾奏降黜等因抄呈到部除承奉以下

內官係禮部掌行外為照 王府官員上輔

王德下理庶事職務雖簡關係實重先年雖奉

有

太祖高皇帝聖旨不中用的換了以後率事因循不

復舉行全無制御之道各處 王府近年多事

實由於此本部覆奉

欽依行移各該撫按各將所屬地方 王府文職官

員除典儀典膳奉祀教授等官照舊不考外其

長史審理紀善俱有輔導 王德綜理府事之

責中間若有撥置妄為及貪濫不謹不能鈐束

府中官屬旗校人等致其生事害人者許於考

察京官之年務要詢訪得出開具實跡奏

請黜退

重縣今教職之選 七

一嘉靖元年十二月內吏部題該給事中解一貫

題為重縣令以養民重教職以化民事題稱縣
令教官天下大半皆衰老歲貢為之上官視如
僕隸矣乞要今後凡選知縣專以進士舉人為
主其歲貢每選不過一二教官專以會試副榜
舉人為主其歲貢每季不過十餘人知縣不知
自愛以贓敗者備坐所由聽巡撫官起送吏部
教官不知自愛以惰弛者亦備坐所由聽提學
官起送吏部各罷職又該河南道御史秦武題
稱縣令去民為近取之進士皆自愛惜民受其
福教官轉陞知縣推官援例監生屢陞同知通

判不知事體行檢卑汗乞要將知縣有缺必得
進士充之如進士不足俱於舉人中不拘年之
久近試其學問審其精力聰明特達者任之如
政有能聲民沾實惠則行取常選舉人與之推
官通判援例監生不過縣丞主簿與年深教官
轉遷博士長史凡黜陟之典以巡按御史旌異
考語為定等因本部議擬凡遇大選知縣缺多
進士舉人不足取選歲貢監生務要嚴加考選
果係年力精強文理通知者取置前例參除知
縣願就教職歲貢監生務選文學優長堪為師

範者行移翰林院凡考教職一體精擇俱毋以年老文理不通之人濫收輕畀覆奉

欽依通行撫按衙門轉行所屬布按二司等官今後知州知縣等官犯有罪名叅提其餘無故務須誠心禮貌不許輒加凌辱以損其志以灰其心若各官自處卑污專事逢迎趨承踰禮稱呼過當必須痛加戒飭或註賢否揭帖以憑黜退至於上司官員好人奉承安心容受甚或因其禮貌不至輒爲沮抑薦舉考語致枉公道者在外聽撫按衙門在內聽科道官舉劾叅

奏處置

嚴守令之考察

一吏部題該直隸巡按御史向信題爲嚴考守令以靖地方事切照嘉靖二年正月該考察天下官員賢否伏望

勅下該部至期來朝官員除布按二司嚴加考察外至於知府知州知縣等官尤宜嚴加揀覈中間或考語之小疵或穢聞之小著斷在必黜毋事姑息大加沙汰一清郡縣仍通行各處撫按衙門至於來朝考語中間如二司之公正府州縣

之循良者方可據之撫按等官務在多方訪察
人才之賢否必求親知官員之考語務經手筆
如此則吏部可據此以為去留人才因之以為
消長等因本部看得所奏於考察事體誠為有
濟覆奉

欽依通行天下撫按衙門一體查照欽遵施行

優禮忠節九

一嘉靖二年三月內吏部題該巡撫延綬都御史
姚 題為獎孤忠以勵臣節事奏稱布政方良
末給事中張原劉蒞評事羅喬昌言逆瑾幸而

未就誅戮今逢

聖明更化 先朝言事官受禍者生死褒錄今方良
末陞都御史猶可言也至劉蒞羅喬張原止復
原官夫各官忠節獨著於天下而超拔猶混於
眾人臣以為

國家褒獎之道未盡乞要查議等因本部議將劉
蒞羅喬張原俱候有相應員缺各從優叙其都
御史方良末奏乞終養須待親終方議起用相
應比照先年侍郎潘禮御史陳茂烈月賜食糧
米以示優崇仍通行撫按衙門凡所屬地方有

致仕終養官員但立朝居鄉節行可稱有若方良未之類者一體崇尚以示優禮題奉

聖旨是方良未既居官素謹着有司月給米三石養贍各處地方致仕終養官員但有節行可稱的着撫按官一體優禮欽此

慎選守令彌盜十

一嘉靖二年四月內吏部題該給事中汪應軫奏為彌盜安民以隆國祚事奏稱巡撫山東都御史陳奏報賊情朦朧罔上乞勅戒諭取回別用其彌盜之方莫急於慎擇守令遇

有盜賊之處即選素有才望或令堂官保舉等因本部議擬備行兩京三品以上堂官及巡撫巡按官查照先年訪舉事體從實保舉所知所屬賢能出衆才畧素優堪任守令之人或已用而屈在下僚或未用而待下次或恬退自守蚤乞休閑者明白奏舉題奉

聖旨是慎選守令朝廷急務今後着兩京三品以上堂官及撫按官各照舊例從公保舉所知所屬賢能官員以備推用不許徇情濫舉自招物議欽此省令違犯土舍出官十一

一嘉靖二年九月內吏部題該巡撫雲南都御史
王 題為地方事乞要申明舊例今後凡遇雲
南應襲土舍或係父祖過惡或身自違犯省令
赴官歸結照依土俗量與寬處勘結之要後即
便起送布政司或令親自赴京襲替如先年故
事或令其納穀代為奏

請如近年所行不許以潛消為說避嫌為名故意推
托阻其趨向之心若土舍恃其土性遇有過犯
不行出官延至十年上下者紀過
奏降一級十五年上下者奏

請革職另推土夷信服宗枝土舍襲替如係朋克濟
惡宗枝另設流官管理等因本部議擬覆奉
欽依通行各有土官布政司轉行守巡及府州縣等
衙門并土舍一體遵依

赴任違限 十二

一嘉靖三年九月內吏部題該江西左布政使陳
洪謨奏為奉揚 綸音以脩舉職業事內開申
明例限乞要通行各布政司凡遇到任官員如
有違限就便呈報撫按衙門提問等因本部覆
議合無通行各處撫按衙門各行所屬俱照節

次題

在事例官員到任若有仍前故違者如律科罪其違限半年之上者不許准信患帖照例起送赴部別用違限一年之上者革職爲民若經該上司朦朧不行舉治事發一體參究問擬枉法贓罪等因題奉

聖旨是這赴任違限官員都提了問違半年以上的送部別用一年以上的革職爲民考滿公差復任違限的也照這例行欽此

賢官聞劾擅回 十三

一嘉靖五年六月內吏部題該巡按湖廣御史登顯麒奏爲擅離職守事奏稱查得撫治分巡上荆南道副使楊守禮先聞言官論劾已於嘉靖五年正月離任回原籍山西去訖近據本官牌又於四月十五日自蒲州起馬前來赴任參照副使楊守禮位列臬司職關風化聞有言而去不俟

聖裁見無事而來頗同兒戲事屬有違法當提問但訪得本官之在地方緝拿盜賊勞勩居多搏擊豪強風力素勁乞要提問仍令復職等因案查

先該本部尚書廖 題為急先務祛宿弊以隆
聖治事節該奉

聖旨外官不許養病有不奏棄官及奏不候旨而去
的許該部科道及撫按官糾舉事發治罪各罷職
不叙欽此今查得楊守禮旋知悔悟即行復任平
素居官又有可取似應量為處治薄示懲戒合
無行移巡按御史將楊守禮問擬如律仍令復
職管事題奉

聖旨楊守禮免提問罰俸一個月欽此

大祀執事官員 志

一吏科都給事中劉世揚等題為嚴戒令以重

大祀感人和以禋祈

天事題稱乞

勅在京文武大小官員如遇

大祀天地凡行禮執事等項務須潔誠至敬及不得

於壇兆之內作踐等因奉

聖旨亢旱不雨禱之弗應豈百官所致實朕躬咎重

不德無誠以致

大意不回神明不鑒數日之間憂惶無措但祭祀國
之重典况祀

天尤重陪祀執事之人當潔已盡敬相助行事如有
如你每所說者亦恐觸瀆今後務要加其誠敬匡
爾不逮之君禮部還看了來說其清審獄囚着各
衙門依擬審錄奏來愜處便行文與在外衙門一
體施行勿使淹滯致干和氣該衙門知道欽此

吏役頂頭 十五

一嘉靖七年正月內吏部題該當該吏姚世榮奏
為嚴禁吏役索取頂頭銀兩除宿弊以光
聖治事奏稱在京大小衙門當該吏典俱有頂頭銀
兩恬不知畏節年題

准事例禁革柰何視為文具亦由本管官員不肯着
實舉行以致如斯竊詳吏役在外充參兩考起
送來部辦事二年所帶囊資盤費殆盡既撥當
該幸得月支糧米一石足穀養贍却被舊吏索
取前項頂頭銀兩逼迫無柰俱是揭錢打發所
借債負日被臨門逼討何由償還須靠衙門尋
討賄賂以此吏役百弊皆由於此近蒙吏部訪
知前弊已出告示禁革但冥頑之徒視為泛常
不肯遵行取索如舊興言及此誠可痛恨臣每
思吏役雖微中間豈無向上之人若將頂頭銀

兩革去無所累及必能盡心竭力幹辦公事
勉砥礪思圖補報敢又忍心悖理贓汗自弃設
或違犯明知顯戮死亦無恨今頂頭之弊未除
欲望吏之守法奉公清白卓立不亦難乎所謂
法源一清末流必潔矣必須嚴加重法痛爲革
除等因本部查得節該吏科給事中等官林廷
玉等節題禁革累奉

欽依通行欽遵訖近嘉靖六年十一月內又據聽撥
當該吏王舉等告稱在京各衙門當該吏典俱
有頂頭銀兩多寡不等本部又經出示曉諭今

後敢有仍前索要頂頭者照依犯贓問罪革役
銀兩入官其該管官司知而聽其索要不行舉
問者俱以罷軟不職叅究今該前因相應申明
禁革合無通行大小衙門轉行各掌印官員各
候舊吏役滿止剩一個月之上開缺本部按照
滿期撥補各照日期收叅責令舊吏將經管文
卷當官交割取不致隱匿事件結狀新吏取接
收文卷領狀掌印官取不致縱容索取頂頭結
狀同收役日期繳部查考違者許被索新吏具
告指實叅送法司掌印官以罷軟論舊吏以行

止有虧論同房新吏若依聽出與頂頭者同罪
各罷職役中間果有不能書辯及患病等項情
愿冠帶降撥者必須掌印官員查無別情亦具
不係索要頂頭情弊結狀方准撥補其軍職衙
門責令掌印首領官各出結狀同繳在外衙門
一體禁革等因題奉

聖旨吏役頂頭銀兩積弊有年屢經奏禁未見革除
這所言之是便依擬嚴加禁約今後有犯的舊吏
送問黜發爲民新吏依聽出錢一體革役其本管
掌印官員容情故縱緝訪得出或被人告發就作

罷軟黜退在外衙門通行撫按等官照例禁治俱
無姑息欽此

州縣正官不許別差 十六

一嘉靖七年八月內吏部題該提督陝西軍務兵
部尚書王 題爲申明舊例禁差正官事題稱
州縣正官不許別差等因本部議擬覆奉

欽依行移各處巡撫巡按衙門嚴加禁約司府州縣
遇有事務不得差委州縣正官致悞本等職業
給由官積穀不如數 十七

一吏部咨該湖廣勛陽府房縣知縣李璋奏爲斟

酌事例以便給由事奏稱吏部例該三年六年給由戶部例開積穀不如數不准給由等因該本部查得見行事例在外有司官員三年六年俱要赴部給由雖專責差占亦要一次赴部給由違者送問今知縣李璋已及六年若不給由不無違例地方出穀多寡不齊難拘一例官員賢否不專在此合行彼處撫按衙門查照施行

新建伯詆毀先儒 十八

一嘉靖八年二月內吏部等衙門尚書桂萼等會題為推用才望舊臣以撫安地方事內議參奏

新建伯王守仁緣由奉

聖旨卿等議得是王守仁放言自肆詆毀先儒號召門生虛聲附和用作任情壞人心術近年士子傳習邪說皆其倡之學術可惡至於宸濠之變與伍文定移檄舉兵仗義討賊元惡就擒地方平定其功可錄但兵無節制奏捷誇張又近日掩襲寨夷恩威倒置委實有罪卿等既說功過不以相掩朕念功疑惟重姑不深究所封伯爵本當追奪但係先朝信令姑許終其本身後一應卹典都革了還着都察院出榜通行禁約不許踵襲邪說以壞人心

敢有故違罪不輕貸及有徇私市恩論奏者重治
弗饒欽此

舉用人才 十九

一吏部題該給事中戴儒題爲申督薦舉以振作
人材以隆 聖治事題稱近該都給事中劉世
揚等題爲訪用賢臣以圖治安事奉

聖旨你每說的是舉用人材係當今急務還着兩京
大臣科道及在外撫按官用心詢訪果有才行老
成繫時望的從公各舉所知明白開奏吏部遇有
相應員缺酌量舉用不許避嫌推托毋得徇情監

舉欽此但旬月以來竟無一人以薦書上者豈真

無一人可舉耶又該南京陝西等道御史俞璽
等奏稱南京九卿衙門止存堂上官伍員用人
之急未有甚於此時者臣愚欲乞申飭前

旨重降期限務在着實舉行不舉者必罰無赦其在
京三品以上已在卿之亞在外三品以上已近
推選無容薦議外惟四品以下內則寺丞郎中
員外給事中御史等官宜從在京堂上官薦舉
外則副使叅議運同僉事知府同知知州等官
宜從兩京科道撫按官薦舉多者十餘人少者

不下三四人在京以

命下之日兩京及在外衙門以該部文書到日各為

始俱限十日以裏實封

進呈其過期不舉許科道官查叅請 罰彼若五

人以上同薦者應時擢用三四人同者留備采

訪一二人舉者照常遷轉等因奉

聖旨這本說的是舉用人材屢有旨着兩京大臣科

道及在外撫按官詢訪論薦今經月久如何多不

遵行姑未查究便着各官查照前旨用心詢訪果

有才識優異堪以重任的不拘資格從公薦舉吏

部遇缺酌量奏

請簡用不許避嫌推托欽此

分別勲戚襲封 二十

一嘉靖八年十月內吏部等衙門尚書等官方

等題為陳情再乞

天恩申明軍功推原累朝封爵准承襲以隆親親以

均

恩典事臣等會同五府各部都察院通政司大理寺

等衙門保定侯等官梁 等并六科十三道等

官議得

祖宗之制公侯伯爵非建立軍功削平僭亂大有功於

社稷者不授我

太祖高皇帝創業垂統封公者六人封侯者二十有

太祖八人

太祖文皇帝中靖內難封公者二人封侯者十有五

人封伯者八人然皆輔佐

二聖以軍功平定天下其豐功茂績藏

天府歷歷可考未有以戚里之故而得與者也洪熙

之初都督張昶始緣

孝昭皇后戚屬創封彭城伯其後伊弟張昇亦以都

督乞封惠安伯故我

朝外戚之有封爵實自茲始自是孫忠周壽王源

之封侯周成王清濬之封伯皆援例於張昶矣

又其後錢承集張鶴齡等之封公封伯復援例

於王源矣循習至於今日封爵之濫莫之紀極

於是有一門而公侯并拜者有一時而并封侯

伯者有兄弟三人而同封侯伯者爵無章紀轉

相承襲祿米歲增國用俞詘夫爵賞者天下之

爵賞人主所恃以勵世之具也今使椒房之屬

辟與有大勲勞之人并享茅土甚非所以昭有
功勸有德也臣等伏讀

祖訓有云凡賞功要當不當則人心不服久則禍必
生焉

英宗睿皇帝嘗謂大學士李賢曰

太后加恩外戚不樂屢曰有荷功於國濫受祿秩如
此然物盛必衰一旦有干國憲吾恐不能救

賢因請問

仁宗以來外戚不與政而爲侯者與此不審

太后知乎上曰

太后正不樂此賢曰此尤足以見

太后之高但侯爲人淳謹後不可爲例耳夫以

祖宗明訓如此其嚴

陛下所以申飭而厘正之又如是其切宗社生民之

幸端在於此臣等謹議得我

朝功高望隆所宜世享封典惟開國靖難之勲可

以當之然封未幾時尋即罷去者一十九人如

衛國公鄧愈曹國公李文忠信國公湯和鄂國

公常遇春東川侯胡海南安侯俞通源鳳翔侯

張龍江陰侯吳良六安侯吳復廣平侯袁容未

成侯薛顯富陽侯李讓保定侯孟善蘄春侯康
鐸清安侯王忠誠意伯劉基云陽伯陳旭榮昌
伯陳賢永順伯薛斌類皆勲舊中傑然可稱者
也後來雖旋荷列聖收錄數人亦不過授以
指揮使耳彼托屬掖廷一門數貴而傳襲三四
世者不已踰分乎况盈虛消息盛衰難居漢樊
鄴不陰二氏之害足為明鑒臣等查得魏國公徐達
定國公徐增壽皆以一時佐命元勲封爵在前
比之外戚之封事體實為不同彭城伯張昶惠
安伯張昇封係

恩澤軍功居半似猶可諉其餘外戚已封已襲見任
公侯伯者合無除終身之外不許奏
請承襲此後

皇親附馬俱要查照 祖宗舊制不許冒緣
請封其有出自 特恩一時賞賚者亦止照
祖宗朝政事體量授指揮千百戶等官以榮終身敢
有違例奏

請希圖恩澤妄引洪熙以後事例比乞者聽本部并
科道官即時舉劾置之重典以為貪冒不知止
足者之戒如此庶名器不致太濫

國儲賴以不匱而外戚亦得以警飭而保全之矣
題奉

聖旨卿等既會議停當外戚封爵古未有我

皇帝亦未有制典魏定二國公雖為戚里實開國佐

命靖難元勲難同其功彭城惠安二伯亦有軍功

居半都着照舊襲封其餘皆以戚里濫膺重爵名

器既輕人不知勸見任的都當查革但中有干

先朝恩命及已封者姑與終身子孫不許承襲

精選任 二十一

一嘉靖八年二月內吏部題為廣德意申明守令

條格事照得郡守縣令職在布德保民祈天永

命為官擇人莫此為急合無論令兩京文職四

品翰林院五品在外三品以上官各舉堪任知

府者一人兩京文職并在外五品以上翰林院

科道官各舉堪任知州知縣者一人所舉者不

拘進士舉人監生吏員出身並許備開實行奏

下本部查訪相同遇缺請

旨量除實授或試職事日後舉能其官或舉非其人

及不舉者俱賞罰如後開旌舉之令但查得嘉

靖五年本部雖奉

明旨定限薦舉而遠近觀望迄鮮有應

詔者是雖各官自難自慎之意然天下之大未嘗乏

才薦賢為

國豈宜自避律以三代之法均得蔽賢之誅伏望

聖明嚴加戒諭

重遷轉 二十二

一嘉靖八年二月內吏部題為廣德意申明守令

條格事照得長吏數易人懷苟簡今昔同患而

久任之法節該言官及本部尚書廖紀等屢有

建明竟無畫一之規者是雖人情厭故喜新利

於速遷亦緣自來官級太繁上下聯絡循序漸

進義同貫魚勢自不能獨止而外任前後歷俸

又該不淮通理常致速者逾速遲者逾速遲以

此勞逸不均有礙經行如使皆比翰林等官編

脩檢討九載序遷學士諭德徑陞卿佐初雖小

滯終得超資則何久任之不可行哉今奉

明旨既許知府推僉都御史按察使知州陞叅議知

府知縣陞知府僉事等官知府歷任至八九年

始終一節者超陞侍郎副都御史等官况查得

宣德等九年知府張順陞侍郎翁世資陞左布

政使等例合無明著爲令自今知府知州知縣除貪刻不職不宜於民者到任半年以上卽許撫按官劾罷又經無異政而宜於民者照常考滿序遷外果有治行卓異者知府三年以上推陞按察使僉都御史知州三年以上加俸六年以上陞僉事知府卽中九年以上陞叅議少卿府丞大約與二甲出身主事相等知縣三年以上加俸六年以上行取科道或陞員外卽寺正九年以上陞僉事知府卽中大約與三甲出身行人博士相等若知府陞少卿府丞知州陞員

外卽中知縣陞給事中御史者許通理外俸序遷若同官到任在先通筭歷任日淺者之後庶爲守令者皆思爲百姓建長久之策施必世之仁

嚴旌舉 二十三

一嘉靖八年二月內吏部題爲廣德意申明守今條格事切照旌異之典不惟賢才進退所關亦以立爲善者風聲爲天下群吏之勸其機甚微其用甚大而近年以來可否依違是非大謬至有薦剡未下賄賂已彰查得弘治十三年本部

奏 准弘治十四年又該本部會官覆議題

准及查得嘉靖五年該給事中林士元奏本部覆奉
聖旨是欽遵著為定例緣未舉行况奉

旨薦舉連坐事例前後不一以致人不知戒合無申
勅天下自今在京在外官奉

旨薦舉所知於曾經一任以上巡撫巡按官旌舉所
屬於歷俸二年以上各不拘何項出身備開實

行奏下本部後犯該貪濫革職重罪查係保舉
月日以前者聽問刑衙門參奏申呈部院轉參

降調京官外任外官別任隱匿不報者本部查

參問罪若犯在舉後職業不脩奉

旨違限不舉從本部撫按任內旌舉不及數從都察
院俱查參問罪應查參而不查參聽科道官劾
奏罪坐所由若舉能其官顯有卓異政蹟者三
年朝

覲後本部類查奏

請特旨褒諭或增秩賜以寵之如此則自公卿以至
百執事人人勞心求賢見善惟恐不舉惟恐不
先一切奔兢諂諛之風不禁而自息矣

隆禮貌 二十四

嘉靖八年二月內吏部題爲廣德意申明守令
條格事切聞守令者天子所舉託專群之守寄
百里之命嚮明而治有君道焉今自監司以上
率喜恃勢凌虐下吏文告之詞陽戒趨承風旨
之峻動欲迎合下至吏隸參隨亦得以憑需索
非禮折辱狎侮如此安能盡其心哉合無本部
移咨都察院轉行各該撫按二司等官查照
憲綱事例今後照依京堂待所屬禮知府知州問
答之際仍不許詭但犯公私等罪依律參提其
有別小故輒加凌辱沮抑舉薦考語不公搜求

細事糾劾失實非有重大事情一槩差占正官
出百里之外及聽令越境迎送參見有妨職務
若勘事例詞狀好人迎合已見致有冤枉并縱
容吏卒門隸鎮守參隨需索構陷及府州縣官
自處卑污專事逢迎避難迎差者在外聽撫按
在內聽都察院科道官糾劾參奏處治

明職務二十五

一嘉靖八年二月內吏部題爲廣德意申明守令
條格事照得群守縣令所以作民父母師帥長
養教訓是其職務若簿書期會等事所以行之

者耳

聖諭謂守令所以安民誠是也今郡邑日夜從事惟
急催科嚴勾攝徵夫馬飾厨傳鉤隱衛竒養父
毋舉以為首務至於王政之本若闔閭休戚風
俗厚薄一切視為細故畧不經意伏望聖
詔天下守令及撫按二司等官諭以

朝廷設官分職凡以為民之意仍

勅部院等衙門自今銓選錢糧禮樂軍馬獄訟力役
舉劾出納等項皆應一意體

國為民以為有司率先

陛下又恭已於上以照臨之則所謂監司守令之

朝廷監司之本者莫不一出於正而親民之官固

當知所務矣周有仁人漢多循吏用此道也奉

聖旨卿等所言無非欲慎重守令前勅旨已該載明

白宜遵照著實行以副朕知人安民之意欽此

補廕恩例 二十六

一嘉靖九年四月內吏部題該監生程政奏為懇
乞

天恩照例補廕以圖報稱事本部議擬題奉

聖旨這補廕恩例太濫但該曾受廕病故的不許再

補著為定例欽此

申明舉劾 二十七

一嘉靖十一年二月內吏部題為申明舉劾事例

事查得先該本部題為申明旌異事議得用人

之法資格以待常流拔擢以待異才於正統十

四年欽奉

詔書有司官政有顯跡超出群類者方舉指實舉奏

以憑拔擢先給與得誥勅旌異此旌異之始也

後因將年淺官員一槩旌異致人多改節不

克有終以此節次奏

查三年考滿之後方許旌異及已旌異過官員後犯

貪酷等項罷調者通行參究連坐舉主前項

例備查明白近年已來前例人多不知有到任

未及一年而輒旌異者有旌異未久而被劾罷

黜者又有一人而旌劾並行者及旌異過官員

三年考滿赴京告行覆勘回奏所開事蹟多係

常事別無卓異政蹟超出群類已經節次申明

前例通行巡撫巡按二司官今後司府州

縣官務要歷任三年之上不分已未給由但有

廉能幹濟超出群類政有顯跡者開其實跡遵

照

詔書事例并節該題奉

欽依明白舉奏本部再加訪察是實通查節年上司官考語相同候有相應員缺奏

請拔擢先與該得

誥勅旌異欽遵去後近年各處巡撫巡按官多不查照前例用心遵依合再申明題奉

欽依移咨都察院通行各處巡撫都御史巡按御史今後司府州縣官歷任三年之上果有卓異政蹟方許奏保旌異不次擢用聽舉之人後犯貪

酷罪名連坐舉主未及三年者不許旌舉巡按都御史每年終巡按御史滿日各照例將各官賢否實蹟逐一註寫明白開造揭帖送本部并都察院考察其在外六品以下官員遇有違犯就便提問依律治罪不必論劾煩瀆

聖聽

三途用人 二十八

一嘉靖十年正月內吏部題為開讀事查得嘉靖九年十一月二十三日欽奉

詔書內一款一天之立君本以為民今天下之廣兆

民之衆爲人君者豈能人人而加之惠哉惟在
內外大小諸司得人任用而已我

祖宗朝雖定科舉歲貢之法猶有薦舉之例竝列三
途自夫科舉之法重而尤以偏用進士爲重而
歲貢之法遂輕薦舉之路已盡塞矣夫三途竝
用則無偏重而人才有餘由是懷才抱德之士
斯得顯於世非特求之文詞之徒而已今舉人
無九卿之望歲貢禁方面之陞田野絕保舉之
路有一員缺必求進士出身者斯得推補以致
人尚浮詞不脩實行甚至脩於家而壞於天子

之庭欲求爲上爲德爲下爲民者卒未易得
今後着吏禮二部即便考求

祖宗以來舊典備細開具

奏請定奪務要科舉歲貢薦舉三途竝舉但有真
才實德者不拘資格一體不次擢用庶忠義向
風浮薄改行內外大小諸司各得其人以爲惠
民致治之本欽此欽遵抄捧到部除科舉歲貢
係禮部掌行徑自具

奏外查得弘治十九年

詔天下各府州縣每歲於所轄隅廂鄉都內拔選容

止端謹無過人才一名申布政司考覈轉行按察司覈實有堪克歲貢開坐考過詞語差人送部若有賢良方正及山林岩穴隱逸之士并通曉經書儒士秀才孝廉俱各訪求到官不拘名數差人送部求樂元年

勅內外諸司文職官員於群臣百姓之中各舉所知懷才抱德堪以任用者以聞洪熙元年令各處見任官於軍民中薦舉行止廉能才堪守令經明行脩可充教職者宣德元年令各處有司保舉有文學才行卓然出衆之士自三十五以上

者俱送赴京師選用正統五年令進士辦事一年監生歷事考中竝坐監三年以上由吏員揆官曾歷兩考悉聽保舉景泰三年

詔令各處見任官有屈在下僚文學才行之士隱於民間文官罷職無贓犯而才學可用竝聽在京四品以上在外撫按方面官并府州縣正官舉薦聽用成化二十三年令軍民之中有懷才抱德堪爲任用者許府州縣正官推舉送吏部以憑覈實考用不許徇私濫舉弘治十一年令山林隱逸之士有懷才抱德經明行脩衆所推服

者許本府州縣正官保舉從巡按及布按二司
官覈實奏送吏部量才擢用如所舉不當保勘
官員一體參究及查未樂宣德正統景泰天順
等年由舉人陞任京堂者如俞山歷陞本部左
侍郎呂震陞禮部尚書鄭誠歷陞本部右侍郎
陳諤歷陞順天府府尹鄧浩歷陞南京太僕寺
少卿傅宗歷陞翰林院檢討由監生陞任方面
者如尚迪張鵬歷陞左布政李浩袁昱歷陞左
右叅政荆璞宋徵歷陞左右叅議華嵩劉成歷
陞按察司副使張善楊和歷陞按察司僉事看

得我朝

祖宗求才圖治之法委的不限一途歲貢不足則求
之科目科目不足則又求之薦舉夫薦舉者有
人才則取之有孝廉則取之有儒士有秀才則
取之有賢良方正則取之有懷才抱德有經明
行脩則取之故薦舉一途此之科貢二途得才
最廣三途並用然後天下之人才得以乘時並
進而野無遺賢至其錄用則又惟求才與位稱
者用之初不論其出身以爲叙遷之地故當時
號稱得人多係薦舉所出奈何後來科目盛興

進士一途日重于是薦舉之路遂塞歲貢之法亦輕矣夫薦舉之途塞則山林之下雖有賢才無由進用歲貢之法輕則貢於禮部者類多衰朽無用之人故當事凡遇京堂方面有缺其勢不能他求只得取足於進士出身者用之伏詳詔旨所謂舉人無九卿之望歲貢禁方面之陞田野絕保舉之路大哉 皇言切中用人偏重之弊合無查照洪武永樂以來 舊典并欽奉 詔旨行今天下各府州縣正官保有懷才抱德或經明行脩不干名利素爲鄉評許可伏在岩穴者

悉聽所在有司即時薦舉從本處巡撫巡按會同布按二司官覈實然後送本部考驗奏請量才擢用若有徇私濫舉聽本部與科道官糾劾所舉之人後有犯贓罪者連坐舉主其舉人監生見任官員果有才德出衆屢經巡撫巡按官論薦及於本部查訪相同者不拘常格一體陞用京堂方面等官以勵其餘如此則取人之途既廣用才之法亦均勞於求賢逸於得人而雍熙泰和之治可計日而成矣奉

聖旨是用賢圖治國家急務我

祖宗朝三途用人取之至廣俾才德者各稱其位故
仁覆天下澤被生民後來因專務科舉之學偏重
進士之選以致人尚浮辭不脩實行蠹國害民者
在在有之你部裏既開具

祖宗及累朝事例明白逐一遵照着實舉行以後用
人務要三途並舉必求得人以稱朕用賢澤民之
意欽此

丁憂官吏經由吏部 二十九

一嘉靖十一年二月內吏部題為申明職掌歸一
事查得諸司職掌內一款凡內外官吏人等在

內丁憂者務要經由本部京官具奏關領

內府孝字號勘合吏典人等劄付應天府給引照
回在外官吏人等移文知會所在官司給引回
還除祖父母父母承重丁憂外期年喪服不許
守制及移文原籍官司務勘明白開寫是否承
重祖父母嫡親父母取結回報如有詐冒就便
解部仍以聞喪月日為始不計闋二十七個月
服滿起復本部切議先該題

准事例南京各衙門堂上官與部屬等官丁憂俱在
南京關領勘合後議題

准事例南京堂上官丁憂仍要赴京關領勘合部屬
等官丁憂就於南京關領勘合復又題

准事例南京官在外在家丁憂除應該赴京復

命外有故不能赴京聽差人具奏給領勘合緣南京

北京俱為京官堂上與部屬等官俱有京差出

外之人聞喪丁憂事同一體但原議不曾明開

南北兩京字樣及照洪武初年議定諸司職掌

京官丁憂關領照回原藉守制為南京官而

內設初無堂上屬官之分今北京官丁憂不分堂

上屬官俱在京關領勘合惟獨南京官丁憂去

北京路遠却令堂上官赴京關領勘合與舊例
職掌不合及後題

准京官差出在外患病在家養病省親等項丁憂許

差人赴京關領勘合事例不曾該載兩京官字

樣以致南北事體不一難以遵照覆奉

欽依今後京官丁憂不分南北亦不分堂上屬官俱

一例各於北京南京關領勘合公差官員聞喪

俱要赴京覆

命事畢關領勘合照回守制在家養病省親丁憂等

官俱不必關領勘合南京官員公差丁憂造冊

具本差人

奏繳仍於南京吏部關領勘合照回守制

巡按濫舉連坐 三十

一嘉靖十一年七月內吏部題該兵部尚書都察院右都御史汪 等題爲遵奉

欽依糾正濫舉庶官事先該臣鈇奏稱弘治年間以前巡按薦舉各官闔省多不過四五人或二三人其慎重如此近來所舉一疏不下數十人砥礪與美玉錯雜無別夫

朝廷寄耳於巡按籍其舉劾以爲黜陟實

國家大政所關顧苟且冒妄若此其負

恩誤國抑孰甚耶合無令巡按薦舉各官務要精擇才行出衆政績卓異者舉之如所舉之人始以廉舉而卒以貪敗始以公謹舉而卒以不謹敗吏部即查明白連坐以罪臣等即亦指實叅奏等因奉

聖旨御史巡歷地方振揚風紀關係甚重舊章成法具載憲綱朕已勅諭都察院舉行但近來人心漸弛都不遵守覽卿所奏深切時弊都准行便行各該巡按御史及該三司等官務要着實奉行有不

遵依的依擬舉劾黜退欽此欽遵今照嘉靖十一年該吏部會同臣等考察天下大小官員題奉欽依貪者為民不謹者冠帶閑住已經通行欽遵外查得原任巡按直隸等處監察御史王宣胡體乾等冒濫薦舉誣上行私事跡昭然紀綱掃地臣等不敢欺隱合候

命下移咨吏部照依奏奉

欽依事例備查王宣等原薦以貪為民者亦坐為民以不謹冠帶閑住者亦坐冠帶閑住等因題奉聖旨近來御史旌舉官員委的太濫這所奏着吏部

查所舉的黜退多寡議奏定奪欽此查得嘉靖十一年正月內為朝

覲事該本部會同都察院考察得左布政李寅叅政沈良佐孟廷柯姚汝臯僉事宋欽張庠高夔王洙張邦信蔡時知府楊應奎張徽運司同知吳寅州同知王召知縣林承順王汝賓教授胡士元俱不謹照例冠帶閑住僉事李順孫同知單文彪縣丞張組俱貪照例為民俱題奉欽依通行欽遵訖今該前因看得尚書汪 劾奏原任御史王宣等濫舉庶官乞要查照所舉黜退

多寡連坐一節為照御史出巡所至方面有司
官員賢能昭著者例為薦舉以御史巡行地方
廉訪其實故凡薦舉到部者多所表用關係治
體實為不小近來御史薦舉按屬地方官員先
後多至三四十人少亦不下十數餘人一經考
察多在黜退之列比之弘治以前委的薦舉太
濫尚書汪 有見於此既以議奏通行今後指
實叅劾其振肅紀綱扶植

國體之意誠為懇切參照原任河東陝西巡鹽御
史今革職閑住王宣三次薦舉共五十二人今

已貪黜者二人以不謹者六人原任巡按河南
御史今陞河南按察司副使譚纘三次薦舉共
四十五人今以不謹黜退者五人原任巡按廣
西御史今回籍聽勘陳大器二次薦舉共一十
九人今以不謹黜退者三人原任雲貴清軍御
史今降直隸安慶府推官陸慶麟三次薦舉共
一十八人今不謹黜退者二人原任巡按河南
御史今陞湖廣岳州府知府沈奎二次薦舉共
一十二人今以貪黜者一人原任巡按廣東御
史今陞貴州按察司副使李美二次薦舉共一

十七人今以不謹黜者一人原任巡按直隸御史今陞直隸求平府知府胡體乾二次薦舉共一十七人今以貪黜者一人原任巡按浙江御史今巡按陝西陳世輔三次薦舉共二十三人今以不謹黜者二人原任巡按四川御史今陞山東按察司僉事熊爵二次薦舉共二十七人今以不謹黜者一人以上各官薦舉被黜人數中間徇私濫舉難保必無而識劣泛舉者亦或不免若一槩坐以被黜之人之罪不無持法太嚴人尚循默相應酌處合無將原舉數內見今

被黜係四人以上者罷職不叙二人至三人者降級一人者罰俸此後凡遇朝

覲年分考察既畢本部仍會同都察院備查各省被黜方面有司官員照依今次議

奏等第分別上

請追究舉主本部仍通行各該巡撫巡按衙門今後薦舉務要秉公覈實果係廉勤公謹政蹟顯著者方許具實

奏薦本部就將舉主各註於旌舉官員之下案候考察之日查照舉行如此庶乎賢能者有所勉

吏部卷一
僥倖者無所容奉

聖旨巡按御史職司舉劾近來委的徇情濫舉以市私恩有傷治體卿等既議奏明白依擬四人以上的革職閒住二人以上的降一級調外任一人的罰俸半年著爲令其餘俱依擬行欽此

吏部
更調繁簡正官 三十一

一嘉靖十三年八月內吏部題該巡撫湖廣都御史林大輅巡按御史王袞會題爲議處極難縣治正官以保安地方事題稱長沙等縣知縣周麟等皆庸鈍無爲之才施設通未有聞松滋等

縣知縣馬玉等皆深識遠到之器局於僻縣享簡之所乞要將周麟等改調別用馬玉等調補前缺等因本部爲照各官才力各有所宜而地方繁簡尤須擇任今該林大輅等會題前來聞見必真及與本部察訪相同相應依擬覆奉

欽依將馬玉改調江夏縣沈越改調平江縣潘嗣冕改調長沙縣封祖裔改調景陵縣其周麟陳九霄張賀俱降改教職馬玉等四員本部給憑各令到任管事周麟等三員移咨都察院轉行該省巡按御史將各官經年事務查勘明白給文

起送赴部改用馬玉等員缺本部查有相應人員另行具奏銓補

南京都察院吏冊 三十二

一巡按湖廣御史桂 題為查催吏冊以防奸弊

事奉南京都察院劄付准南京吏部咨該本部

歷年題

准事例凡各省吏冊布按二司每年一造送各該巡

按御史覆覈印鈐仍發回司封固其應隸布政

司者該司差人齎送本部隸按察司者該司齎

都察院轉咨本部收貯遇有兩考吏典給由到

部就將起送咨批揭冊查對或有前考而無後

考或有後考而無前考或丁憂補叅無冊及咨

冊年月不同者暫撥辦事待行查至日無碍方

准實撥若前後考通無冊及滿後歇役二年八

個月以上及公文內開為事無招冊并給批一

年之上者俱聽候行查其一考滿後不行轉叅

兩考滿後不行給由歇役三年者俱就彼問發

為民中間雖有事故亦不准理故違收叅起送

官吏叅問治罪若兩考接喪丁憂服滿遷延三

年之上不行起復者亦發為民若在三年之內

給批三年之外到部者送問重歷一向遵行在
 卷夫何近年以來四川廣東廣西三省及湖廣
 之衡州辰州德安長沙寶慶常德永州柳州靖
 州福建之行都司汀州泉州興化漳州邵武江
 西之南安贛州等處吏典應該南京吏部給由
 者各該官司徃徃玩視不行依期造冊繳報間
 有一二造報者其間所屬府州縣又復不全且
 不專差的當人役齎送止是付給由吏典順齎
 任其洗補扣換作弊以致各吏到部無從稽查
 真偽莫辯有父叔身故而轉與子孫者有隣里

革役而賣與親朋者甚至假買司府批文盜用
 司府印信似此姦弊難以枚舉合無移咨南京
 都察院轉行各該巡按御史督催各該布按二
 司并都司自嘉靖十七年以後吏冊上緊嚴查
 攢造必湏年甲籍貫叅充年月司典行頭形色
 相貌等項逐一開寫明白查照前題事例覆覈
 印鈐發回該司嚴立限期責差的當人役齎送
 部院以憑稽查以後仍要挨年造報則詐偽可
 革機巧難施而吏弊庶夫其肅清矣等因案呈
 到部着得吏弊多端關係匪輕各省冊籍却乃

任意遷延累年不行造報委屬違慢幾於廢弛
 合就移咨貴院煩為查照施行等因到院擬合
 通行為此合劄本官照依咨劄內事理查照施
 行奉此擬合通行為此仰司抄案呈堂查照案
 驗內事理將嘉靖十七年以後吏冊上緊攢造
 開具年甲籍貫叅充年月司典行頭形色相貌
 等項明白查照前題事例送院印鈐發回該司
 差人嚴限徑自齎送部院查考施行

方面官患病擅面 三十三

一嘉靖二十二年九月內吏部題該巡按貴州御

史魏洪冕題為擅自回籍事叅稱貴州按察司
 提學副使蔣信患病不候奏

請私擅回籍乞要行令提問仍乞通行各省方面知
 府等官今後如在任患病務由該省巡按官題
 請允示查理明白然後得歸如違各該同僚官一併
 連坐治罪一節為照蔣信委質

聖朝官居憲職因病擅自離任罔知明例似應提問
 合無移咨都察院轉行彼處巡按御史查照奏
 內事情將蔣信行提從公究問依律照例議擬
 徑自具

奏發落仍行各省撫按官着實遵行題奉
聖旨蔣信不畏明例擅自離任好生任情玩法革了
職着爲民其餘依擬行

來朝考滿過期 三十四


一嘉靖十六年六月內吏部題該南科給事中陳
垣奏爲責任有司以魁民困事內稱來
朝官員回任考滿月日已過考
將行過事蹟造冊送合干上司依例考覈差人
奏繳其回任將及考滿者雖未有事例亦宜照此
行之等因該本部議擬覆奉

欽依來

朝官員遇有三六年滿月日已過及回任將及考
滿者許令赴部告明行令所司將行過事蹟造
冊送合干上司依例考覈差人

奏繳准作考滿庶免道路往返曠廢職業

條例備考卷之二終



奏職非外法職無多道並出及職外職

冊受合十上下外外外外外外外

職外若令使陪台即行令取同部下

陳官員與外二十六半職月日日

煥亦來

